



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dispvtatio De Statv In Qvo Sint Beatorvm Animae Post
Hanc uitam, ante ultimi iudicij diem**

**Dévay Biró, Mátyás
[Nürnberg], [1537]**

VD16 D 1300

Condem. Censvrae.

urn:nbn:de:hbz:466:1-34195

diei festi &c. Et sanctificare sabbatum, non est aliud, quam *Sabbatum sanctificare*
sanctis operibus transigere. In ferijs sancta opera sunt exer-
cenda: uerbum Dei audiendum, fratres charitatis officijs
demerendi, non ocio torpendum, non luxui ac gulæ indul-
gendum, ut solent Papistæ, qui totam diem magis perpotat
in festis diebus, q̄ unius uideuae segetem, ab iniuria aëris, con-
uehendo in horreum uindicarent. & eorum feriæ profecto
nihil aliud sunt, quam ceremoniæ hominum, luxus uestium
& epularum, ut cætera raseam. Porro tertium Decalogi
præceptum, quo sensu sit accipiendum, docet Augustinus
ad Ianuarium, Epistola 119. Inter omnia decem præcepta
solum hoc est figurate obseruandum, quam figuram nos in-
telligendam, nō etiam per ocium celebrandam suscepimus.
Idem de litera & spiritu, cap. 14. Quisquis illum diem sicut
litera sonat, nunc usq; obseruat, carnaliter sapit. Adhæc ipsa
charitas dictat, nedum seruos, ancillas, sed & ipsa pecora
semel in hebdomada refocillanda, sed huius rei finis poli-
ticus esse debet. Concludit ergo Hieronymus omnes dies
æquales sunt, etiamsi conclusio sit contra Monachos.

PROPOSITIO XLVII.

SVb elementis sunt qui creaturarum faciunt differentiā.

CENSURA.

NOn est hic homo a Deo qui sub elementis ponit Apo-
stolos &c.

CONDEM. CENSURÆ.

Elementa non philosophice accipiuntur, sed Paulo si-
gnificant doctrinam siue diuinam (ad tempus) siue hu-
manam

q

humanam

Ciborum delectus

math. 15.

1 Cor. 15.

1 Tim. 8.

Galat. 2.

manam faciem creaturatum differetiam. Iudaeis quædam animalia erant, non ad iustificationem, sed ad significacionem prohibita, a quibus nonnullis & nos uel usu uel natura abhorremus. Ciborum delectum quem Romana ecclesia in uexit clamnamus, quia pugnat cum fidei libertate. Omnis cibus licitus est Christianis. Omnia munda mundis. Et quod intrat per os, non coinquiat nos, Matth. 15. Infirmorum tamen ratio habenda. Sed uelint nolint, omnes humanæ traditiones possunt extra casum scandali, etiam de rebus adiaphoris æditæ uiolari. Quæ uero pugnant cum fidei iustitia, etiamsi tota colluuius Pharisaica scandalizetur, nihil refert, Deo magis obediendum quam hominibus, adhæc humanæ traditiones non sunt uerius cultus Dei. Frustra considunt me, docentes doctrinas & mandata hominum. Quid interest piscibus aut carnibus (quancum & pisces carnes sunt, 1. Cor. 15.) fartias tuum uentrem? Olim qui olera cocta cum carnibus non gustassent, haereseos & inobedientiae suspicione non carebant, ut testantur distinctiones Graciani. Nunc inuersis rebus, omnia præpostere agunrur, tamen clare pronunciat Paulus: Qui discernit, iam iudicatus est, quia non ex fide. Si Deus noster est, Christus, coelum & Spiritus sanctus, cur cibi non essent nostri? Omnia uestra sunt, dicit Apostolus, & domini est terra. Et testatur Spiritus impostores futuros, qui connubia & carnes prohibebet. 1. Ti. 4. Omnis creatura Dei bona est, sanctificatur per uerbum & orationem. Coctæ carnes edenda sunt, sed scimus quam non edatis bubulas, fratres, ut modestiss. loquar: Qui ignorant Christianam libertatem, qui bona conscientia non auident uesci carnibus, hi adhuc sub elementis, infirmis & egenis sunt, Gal. 4. Qui dierum, temporum, habituum doctrinam ad iustificationem faciunt, elementarij seneis iure uocati possunt. Frater, hic quam non apposite insalutatis cauillare fontibus

fontibus, loquatur, aliorum esto iudicium, uere dicitur; quo quis indoctior, hoc audacius & proponit & iudicat.

PROPOSITIO XLVIII.

NVlla creatura potest uel saluare uel damnare,

CENSURA.

REpugnat sibi, fixo pede tenet fidem saluare, quæ est creatura. Item homo saluat hominem, 1. Cor. 9. 1. Cor. 9.

CONDEM. CENSURÆ.

IN apologia de hac propositione abunde dictum est: Solus Deus creat, saluat, damnat, creauit per uerbum, saluat per uerbum (qui est Christus) credentes in eum, damnat per eundem incredulos propter peccatum. Et si autem fides sit creatura Dei, tamen non saluat quatenus creatura aut qualitas est, sed quatenus apprehendit meritum Christi, omnia misericordia Deitribuens. Sed opponit: Homo saluat hominem. Respondeo: Homo saluat hominem ministerio, non potestate quæ solius Dei est, qui est saluator omnium. Paulus (inquit Frater) se saluauit per bona opera meritorie. Dixi Monachis, quo in loco sit Christus. Salus tua ego sum. Ego feci, ego feram, ego sanabo, ego saluabo. Deum extra me nescies, & saluator non est præter me. Sic Paulus omne meritum proprium pro stercore ducit, & docet non gloriandum in hominibus, sed qui gloriatur, in domino glorietur. Tantum in Christo sperantes sumus, 1. Cor. 15. Nullaprofecto 1. Cor. 15. lingua sufficit ad retundendam istorum impietatem, & blasphemias, quibus Christo honorem suum eripiunt.

q 2 Media